

**891.**

1442 Dezember 15

***Niclaus Hanzochmar bekennt eine Schuld.***

*fol. 166v* Actum sabbato ante Thome apostoli anno domini etc. XLII<sup>o</sup> hat Niclaus Hanzochmar bekanth, daz Erinfridis kindir schuldig sey 10 alde ß gr an dem husze, daz sy von iren vatir vor dem obirn thor an gestorben ist, dy er òn uff Michaelis schirsten komen bezalen sal. Wurde er abir sulch geld lengir uff oin haben und halden, so sal er den kinden davon alle jar jerlichen, dy weile er daz ynne hat, geben 20 gr, 10 gr Michaelis und 10 gr uff Walpurgis, so lange daz dy kindir czu òrn tagen komen.

**892.**

1442 Dezember 15

***Peter Cleyner kauft eine Wiese für drei Jahre auf Wiederkauf.***

*fol. 166v* Actum die quo supra hat Petir Cleyner bekanth, daz òm Hansz Czengkir eyn wiszen vor den obern thor vorkaufft hat vor 12 ß gr, doran er drey jar den widirkauff haben sal,<sup>a)</sup> und Peter obgeschr(ieben) sal Hanszen Czengker bynnen den dreyen jaren, wenne er dy loszen will, widir umbe 12 ß czu loszen geben uszgehinde den dreyen jaren, so mag sy Peter Cleyner czu eynem erbe vordir halden an ydirmans einsprach.

*a) folgt durchgestrichen drey jar*

**893.**

(1443) März 30

***Nickel Gruner löst sein verpfündetes Haus aus.***

*fol. 167r* Actum sabbato ante letare ist komen Nickel Gruner und hat Kunczen Susmundil seyn husz geledigit und oin daz widir gefrihit. Daz phant man sal usz thun, wu daz vor ym buch geschr(ieben) stet.

894.

1443 März 30

***Steyer verzichtet auf Ansprüche auf ein Haus.***

*fol. 167r* Actum sabbato ante Letare ist komen Styerer und hat sich sulchis phandes vorczihin,<sup>a)</sup> nemlich daz husz, an dem Nydern Steynweg gelegen, daz iczunt Nickel Mathes hat und daz om Hensil Bottichir, eyn pegkir, czu phande eyngesaczt hat, gereth und globet, daz er vordir doreyn nicht reden